

沈乃文主編

明別集叢刊 第四輯

第八十四冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第八十四冊

黃山書社



(明)顧起元 撰

嬾真草堂集文三十卷

明萬曆四十六年刻本

嬾真草堂集卷一

江寧顧起元太初著

弟顧起鳳羽王校

制策

皇帝制曰朕惟自昔帝王理人羣凝庶績率以綜核名實爲先務唐虞之時明良相信稱無爲矣而詢事考言敷奏明試三載九載屢省乃成爲法亦何備歟世降而法愈詳人益僞名實溷淆治亦剗敝或乃曰誠感則孚第宜一切用君子長者之道但不知誠在中何由而達昔之考詢云者豈其誠未至歟後世之綜核者毋若漢宣帝當時吏稱民安可謂效矣乃尚有僞增受賞者意檢察之猶未密歟若文帝躬修玄默簡節疎目鎮天下以無名之朴而人顧謂孝宣不如又何指也洪惟我

太祖高皇帝勇智天錫超越千古立綱陳紀法度森嚴旌廉能摧奸暴用夏變夷重闢鴻

荒

列聖遵承有加無墜至我

皇祖世宗肅皇帝英斷如神振怠起衰制禮作樂品式具備澤雨露威雷霆赫然中興光紹前烈於鑠哉範垂當年而功流萬禩矣朕嗣守

祖宗丕業任人圖政惟名實爲兢兢夫何與我共理者不明朕心誕謾成習曠官不慙而越局以逞浮靡相尚而利口惟賢求其循理奉法憂國如家者曾幾何人嗟乎文盛則質衰言華則行薄自古記之矣故上下以空文相加遺而苟且塞責敷同罔功巡行遣矣而吏習尚偷教化宣矣而士風尚詭賑恤頒矣而民困未蘇戎兵詰矣而撻伐未張慮讞詳矣而冤滯猶多工費釐矣而虛冒猶故束舊章而不守懸新詔而不遵求治彌勞取效彌遠誠不足恃法不能維意者朕不敏不明無能風之歟茲欲循

名責實黜無稽旌有功俾治理遠駕漢宣以邇唐虞雍熙之盛何施而可爾諸士方當始進心志精白俯仰世變必有槩於中矣宜各據所懷備言之朕將採而行焉

臣對臣聞帝王之理人羣而凝庶績也必有經天下之實政而後可以茂亮工熙載之猷必有宰天下之實心而後可以握辨賢序事之理何謂實政功與用相得議與任相疇嚴畫一之條而法無骯髒精考課

類

卷一

三

之典而政無浮夸肅然與天下相綰結而不徒粉飾乎治具者是已何謂實心純固貞其體淵塞立其基巨細必貫而奮明作於精神始終永肩而絀情竅於志慮肫然與天下相樞紐而不徒矜屬於治術者是已修政而不核之以實則浮淫之蠹或反加功實而紀綱法度之間必有所曠廢而不舉責實而不本之以心則糾繫之過或化爲苛擾而總率先勞之治必有所勸怠

而罔終夫惟存爲實心播爲實政陰握其竅繫陽引其規繩無形之樞轉而不停有領之裘挈而不亂故能使實中其聲功浮於事象魏無竄敞之法珪組無瘵曠之官自昔大猷之治端不越此嚮使藉口無名之模而委精辨之功襲跡有爲之勞而持矯偽之志此則以虛御虛用誕息誕官方之消所以汰之而彌濁王綱之解所以張之而益弛也茲不能不有望於

類
類真車堂集

卷一

四

聖世矣欽惟

皇帝陛下

奉三御正

得一爲貞

建斗精於太紫之位而撫五辰

幹元氣於重玄之居而調四序

披天鏡以燭山川之險人罔遁情

執河魁以壹威權之門柄無倒授華士盡絀

秕政允釐固宜冠帶之倫稟精白以承

庶德闢石之重懸日月而著風烈矣乃
望心惻然憂治紀之未張進臣等於

廷俯賜

清問嚴名實之辨求綜核之規黜無稽之言
旌有功之實於以超炎漢而駕唐虞甚盛
心也臣豎儒耳身伏嵯巖之下言存區蓋
之間何足以奉

明詔佐末議雖然請對以臆臣蓋嘗披覽古今
之際上下治亂之原竊見夫古之執大象

嬾真草堂集

卷一

五

而御寓者其於名實之用何鯁鯁然不少
釋也標枝野鹿之世名實兩忘雨粟垂穗
之時則實多而名寡歌雍咏勺之日名實
兩副濛濛散朴之季則名盛而實衰蓋文
質之損益言行之厚薄所關於世運有如
此者夫苟當其多寡盛衰之際不操總攬
之權以拯揅之坐視其溷淆刊敝而不可
理則何以爲天下哉自古稱帝道之隆無
尚于唐虞矣然考舜典所記詢事考言敷

奏明試所以致嚴於功能者何其詳且慎
也臯陶謨所陳三載九載屢省乃成所以
致虞於叢脞者何其周且密也蓋雖四門
既穆九德咸事而方命圯族之殛必歷試
而始窮其奸雖百揆既宅六府畢修而時
雍風動之庥必積年而始豐其澤安得以
玄默之治強提挈檢校爲灰塵以恭已之
朝鄙鉤稽繩墨爲桎梏哉代而降也世所
稱綜核名實者毋若漢宣帝彼身歷畸區

嬾真草堂集

卷一

五

迫阨之會而民間之疾苦罔不周知目擊
郡國縣邑之風而吏治之良楮靡弗躬察
故於名實欲互收之上計簿具文有責欺
謾避課有責二千石不舉賢有責御史三
公不嚴下不按事有責其樞機之密可謂
無遺法矣慎守相刺史之官嚴二千石之
選鋤權臣貴宗之勢節後宮綺靡之物其
品式之具可謂無匿端矣以故黃霸之寬
和龔遂之安輯朱邑之廉平吏稱其職而

整頽綱于廢弛之後潢池無弄兵之衆賦
畝無夜吠之警邊疆無鳴鏑之憂民安其
業而流豈弟於虛耗之餘卽論者算計見
效以爲不得與文帝之簡節疎目者埒要
之文帝當園樸未解之日天下方共葆其
質故斧斤之說稍抑於賈生首虜之差微
伸于魏尚名實不患其不符宣帝當浮夸
旣窮之日天下方爭鶩於名故羣吏已計
而王成受賞於僞增縱釋有條而趙韓蒙
誅於非辜名實不必其盡合是知論名實
於文帝易論名實於宣帝難故文帝疎
綜核而收效多宣帝密於綜核而收效淺
槩未可以申韓之刻礪而遂緇名實之論
也洪惟我

太祖高皇帝以

天錫之智勇首闢鴻荒立綱陳紀至森嚴矣故

廉能旌奸暴抑而革天下羯隄之風

世宗肅皇帝以如神之英斷光紹前烈制禮作

樂至具備矣故澤雨露威雷霆而開天下
文明之治今觀

訓錄所載用人行政班班可紀於鑠哉範垂
當年功流萬禩誠足以輟唐轡虞陋漢制
爲狹小矣肆我

陛下嗣守丕業益覲揚而光大之二十六年於
茲

廟堂所規畫臣下所建白其於名實之際可
不謂廩廩敦慎哉乃或有誕謾成習苟且

塞責曠官不慙而越局以還靡靡相尚而
利口惟賢如

聖制之所咨者何也母亦奉憲之吏不明

上心而澄汰之化或至下格歟抑亦立法之始

徒侈虛文而總攬之道猶未深究歟臣嘗

伏而思其故矣十年之前上與下皆有苛

密鏗急之心故時損無用之官數困難行

之令猛於立法堅于行法而名實之用猶

未離十年以後上與下皆有恬愉嚙綬之

心故網解而俗漸斡令紆而人益懈輕於
議法寬於守法而名實之用多不合綜核
之道誠有不可不亟講者臣請卽

聖問所及者臚列陳之夫巡行遣矣而吏治何
以猶隳也胡不舉殿最之典稽之誠先惴
惴斥浮華非棧車牝馬不以廉名非雉馴
螟散不以循舉而龔黃之化何難冀也教
化宣矣而士習何以彌詭也胡不引廣厲
之條格之誠獎孝廉尊經術饒達之士不

嬾真草堂集

卷一

得濫青衿奇表之學不詐列黷穢而菁莪
之咏何難繼也賑卹頒而民之三鬴不登
者腹猶枵然試罷非時之役減額外之征
而依檣猶永號采菑猶太息乎戎兵詰而
虜之陸梁思逞者烽猶棘也誠汰統綺之
帥復屯牧之政而馬邑不可誅狼胥不可
封乎冤滯之多非讞獄者數擣虔也上不
以喜怒操法吏之耳目而慮奏自平野
無梧丘之冤犴絕鵠亭之怨矣虛譽之侈

非監工者不信度也上不以淫巧窮工匠
之彫鏤而工費自釐將少府無谿壑之耗
中涓杜雀鼠之耗矣舊章嚴於法守若宮
府若邦國靡不按故典而行也而誰復游
意於繩之外爲惠於繩之內新詔顯若畫
一若留令若議令靡不視太府爲率也而
誰敢出入以舞其智觀望以害其成凡此
皆名實之大防而綜核之先務爲

今日所亟圖者也然臣猶有所大患於名實

嬾真草堂集

卷一

之不協者則以世之任人者弊有二一在
好惡之過徇一在議論之過察徇者寄是
非於衆多之口察者置雌黃於冥漠之中
使賢者憚於有其名莫敢自堅其所守而
不賢者怵於有其實兢欲自覆其所攻而
人品之辨日溷淆矣世之行政者弊亦有
二一在上下之相蒙一在前後之相委蒙
者獵得其名而遂損其實委者已棄其實
而并越其名始猶以下蒙上耳旣則上且

明知下之蒙也而顯聽之始姑以前委後耳既則後亦陰法前之委也而復待之而政事之施日刊敝矣今欲綜核名實而不先祛此四弊者徒以責吏治諸事之必實是猶摘網之衆目而不知提其綱循衣之四緣而不知振其領也欲以興勵天下何繇哉雖然所謂祛四弊者非窮察淵之智矜發席之明也又非持億逆以豫折之或時用不測之威使人莫然震懼而莫敢必

頗真車堂集 卷一

也非操束濕之用結凝脂之網也非特詔誥以風厲之或數更既往之法使事畢然爬梳而莫可靜也實心之說臣願

陛下重圖之而已蓋人主一心人才之賢否潛樹之標政令之嫩惡陰司其契若孟之於水其方圓靡不肖焉若陶之於埴其堅瑕靡不屬焉志溺晏安而欲倡精勤之化躬沉積習而思起衰怠之風必無冀矣矧端拱紫垣之內優游玄極之中柔曼之傾意

角觝之娛目欲神無淫裔不可得也投珠抵璧之議不聞絕囹去媒之言不入欲志無撓滑不可得也日月之明掩於豐蔀雷霆之威震於枯朽欲氣無蹕厲不可得也於是有坐視名實之淆而恬以身安之不知核者於是有深恫名實之弊而憚以身先之不肯核者於是有陰伺名實之失而不得夫核之道乃以猜疑勇斷急羣下者於是有陽伸名實之議而不堅於核之用

頗真車堂集 卷一

徒使糾舉申飭爲故事者伏惟

陛下玄覽至理瑩精太平純一之志徹於肌膚塞淵之衷貫於金石畏

天命則出王游衍有警而不徒飾壇壝之文法祖德則羹牆陟降有程而不徒襲形迹之似官賢雋則大臣腹心小臣手足不開疑貳之門卹黎庶則輕徭薄賦布德緩刑不恣侵牟之路我不以名求之下誰敢不以實應之我以實求之下誰得復以名飾之不屑

屑然以人責事以事責功而無稽者自退
有功者自進虞典臯謨之所稱直旦暮遇
之耳

烈雖萬世無極可也區區神爵五鳳

足煩一日之間而爲

愈不識忌諱干冒

頃越之至臣謹對

集卷一

七

嬾真草堂集卷二目錄

詔

擬諭朝鮮國豫飭戎備自禦倭酋詔

疏

請告疏

請告二疏

考察自陳疏

請告三疏

擬東征安攘之策疏

嬾真草堂集卷二目錄

本

擬條具所天永命保國安民事宜疏

嬾真草堂集卷二目錄終

嬾真草堂集卷二

江寧顧起元太初著

弟顧起鳳羽王校

詔

擬 諭朝鮮國豫飭戎備自禦倭酋詔

皇帝詔諭朝鮮國王朕惟治亂持危帝王統馭
華夷之略亨屯濟險國家經營草昧之功周雅
陳阮邑之師邶風美楚丘之卜苟強仁而爲政
則多難可以興邦不念亂以圖存將自悔因之

嬾真草堂集

卷二

召敵惟爾朝鮮之主屬余歲事之臣在于爾兒
赤帝備周官之典蛟賊鯢鯢誓玄夷毖殷祀之供
天步多艱人謀不戒致茲島寇奄有海邦惟君
臣寡扞禦之方乃宗社有播遷之禍但驚蛇豕
莫掃鯨鯢麥秀泣而冠南音葛丘哀而轍西驚
衍箕疇之範無復餘風歌黎國之詩但聞中露
朕閔七日負墻之哭懷百里震隣之憂爰整旅
以出疆載命師而橫海用我攻心之衆成伊耆
角之形八校材官遠戍黃龍之北三屯都護濯

征玄菟之東轉遼海之雲帆集中山之日羽以
故王京光復平壤長驅俘係漸歸流離再集然
彼酋之謀尚狡而爾國之志已灰畜艾旣失于
三年卧薪無聞于七載我之軍興日益爾之糗
糒未充我之士伍歲增爾之屏履不具國爲誰
寶寇剝誰膚朕不遠千里而興宇小之師爾不
矢一旦以決剪強之策揆之定勢中朝無久屯
外土不撤之兵詢之僉謀小國無專恃大邦不
亡之理在今日搶攘之際不殫厥心卽異時底

嬾真草堂集

卷二

定之秋遑恤我後幾難再誤計切永圖爾今將
士久疲芻糧數匱戍已之尉有定遠玉門之思
庚癸之呼無營平金城之略及茲不已長此安
窮豈朕之覆芘罔終實爾之圖謀未忘尚思朝
廷之大德以幹不庭念祖父之不基所謂故國
三韓之士古稱勁勇可倡忠義之風九夷之地
素號膏腴宜廣耕耘之業令嚴賞罰守固高深
作內政而壯軍威賦中邦而成稅法院塞之處
陳精卒以遏其衝烽燧之交謹聞人以乘其釁

勿恤焦頭爛額必期食肉寢皮不與此賊俱生
寧處小邦求活晉陽之城三版得孟談之策而
鼃蛙之困旋蘇會稽之保千人用范蠡之謀而
水犀之兵復振道一而已仁遠乎哉朕將什扞
圉之勞俾遂及瓜之代斷盈庭之議不貪橫草
之功量留戍士以待邊漸撤大軍而歸鎮許申
還役庶無楊水之謠閩越罷師幾寢淮南之議
且故鼎反乎歷室朕既大有造于爾國家有飛
矢集于聊城爾豈漫無意于爾社稷於戲四方
無侮四方無拂是稱仁義之師十年教訓十年
生聚式懋經綸之績佇俟南夷之諾用抒東顧
之憂欽哉故諭

嬾真草堂集

卷二

三

疏

請告疏

原任南京國子監司業臣顧起元謹奏為宿疾
未痊再叨 新命懇乞 天恩俯容在籍調理
事臣原籍應天府江寧縣人由萬曆二十六年
進士本年四月內除授翰林院編修二十七年
閏四月內丁臣繼祖母吳氏憂回籍守制三十
年十一月內復除原職三十三年七月內患病
蒙 恩予告回籍調理三十八年六月內起陞
南京國子監司業本年七月初九日到任三十
九年二月十五日丁臣母封恭人王氏憂守制
在籍扣至四十一年五月十五日服滿本年十
一月內荷蒙 皇上聖恩起陞臣為左春坊左
諭德兼翰林院侍講臣聞 命自 天措躬無
地伏念臣以樗櫟散材遭逢 聖主謬塵史局
叨貳成均福過災生憂瘁駢集茲者 官銜華
重予自田間 恩造非常敢忘報効緣臣體羸
善病未老先衰迫離苦塊以來時感霜露之恙

真元內耗虛火上炎肥氣攻中眠食漸損怔忡
繼作股削轉深瞻望 闕庭神爽飛越向來尋
醫采藥日望痊可庶幾黽勉就道固效涓埃乃
今年八月中再蒙 聖恩陞臣右春坊右庶子
兼翰林院侍讀掌司經局事臣受 恩愈重倍
切悚惶調治益殷奈無寸效舊瘥未去新患復
生中氣大傷四肢如稿今且伏在牀第日夕呻
吟有危懼之慮矣深負 恩私五內焦灼簡書
可畏寧逭逋誅輒敢仰丐 天慈俯垂 聖鑒
竊真草堂集卷二 五

察臣情非假托 勅下該部准臣仍以原官在
籍調理臣託命至仁勉事芝朮儻幸不卽填溝
壑則自今以往之年皆臣感戴 天恩矢報犬
馬之日也臣無任激切屏營祈懇之至爲此具
本專差義男顧忠齋捧謹具奏 聞伏候
勅旨

請告二疏

南京國子監祭酒臣顧起元謹奏爲病臣勉承
新命家難異常益增危困懇乞 天恩俯容

回籍調理以延殘喘事臣于去歲蒙恩叨轉庶
子隨以宿疾未痊不能就列奏乞仍前 予告
未荷 俞允疏上之日已推今職臣揣分非所
能勝意 聖明必不輕畀未敢再疏以瀆也不
意今六月間獲奉 俞旨臣聞 命自天措躬
無地支離病體詎陋庸材何以倡弦誦之風佐
薪爇之化念秋試伊邇士方鱗集以待興臣
不敢不力疾從事有負 任使乃到任之日臣
妻王氏忽以暴病隕矣臣驚怛殊甚舊疾頓增
竊真草堂集卷二 六

曾不兩月臣之長子又以抱病痛母棄臣而逝
矣失羣之鳥三匝而鳴哀哭子之猿三聲而腸
斷臣兼此二痛并在一時生非金石何能堪此
因是怔忡徹夜眩運彌時脾胃不調手足無力
身瘦似削神耗如癡人皆爲臣危之卽欲彊起
營職有萬萬不能者矣伏念臣自乙巳乞歸經
今十載 聖明不棄四被遷除蛇雀尚能報恩
狗馬猶知戀主臣雖朽物忍負 清時無奈小
人命薄禍與福隣愁病交攻自成淪廢 皇上

天地父母生臣育臣臣卽欲託命 至仁亦若
江河浩蕩不能活就涸之魚雨露沾濡不能芽
旣焦之穀矣南雍何地祭酒何官臣之不才卽
使不病不憂猶懼無以表率師生導揚教義乃
欲以奄奄病苦之身尸居臥理其所誤於 國
家興賢育才之治豈其微哉今臣病中傷骨肉
之彫殘憂職業之曠廢日夜焦灼勢益沈綿公
私之間實爲狼狽不得不以萬苦之情再生之
恩籲求於君父伏望 皇上憐臣身病危苦萬

嬾真草堂集

卷二

七

難供職 勅下吏部准臣回籍調理臣幸得少
寬夙夜在公之戒勉近醫藥苟延殘喘因以餘
力營葬妻子是臣之一家存物皆冒 皇仁臣
期與臣之妻子生生世世誓爲蟲豸以報 聖
恩矣臣披瀝血誠語無倫次干冒 宸嚴不任
悚息待 命之至謹具奏 聞伏候 勅旨
考察自陳疏

原任南京國子監祭酒今陞詹事府少詹事兼
翰林院侍讀學士未任臣顧起元謹 奏爲遵

例自陳不職乞 賜罷斥以肅 計典事臣應
天府江寧縣人由萬曆二十六年進士荷蒙
聖恩拔置史局晉列 宮案洊承 簡命秉鐸
南雍隨該臣以患病上疏請告奉 旨任調
理旋蒙 恩擢臣舊恙未痊跼伏田野未能赴
召日切悚惶茲當六年考察京官之期臣前
任四品例當自陳以待幽斥伏念臣迂拙散材
支離病體一切史職曾微鈐翰之能再忝 官
僚未效涓埃之報濫吹禁近久愧庸虛代置成

嬾真草堂集

卷二

八

均益滋瘵曠惟經術之淺薄旣無以陶鑄乎人
材且德望之輕微又無以轉移乎士習兼以沈
痼未解力疾不前空擁臯比漫無課督是在
京百司之負官未有踰于臣者卽今亟行屏斥
已玷虎闥豈宜更冒寵榮再塵 鶴禁伏乞
聖明將臣卽賜罷免庶清華之選不致重誤于
庸流而澄汰之嚴抑可廣厲乎功令矣臣無任
悚息待 命之至爲此具本專差義男顧科齎
捧謹具奏 聞伏候 勅旨

請告三疏

原任南京國子監祭酒今陞詹事府少詹事兼翰林院侍讀學士未任臣顧起元謹 奏爲微臣久病未痊 新命萬難報效懇乞 聖明俯容在籍調理以延餘息事臣前歲之秋待罪南雍以病上 請奉 旨着臣在任調理昨歲三月蒙 恩拔擢俾貳儲端臣歸臥里閭延醫調治意望痊可祇赴 闕廷少畢臣犬馬圖報之私乃自夏涉冬侵尋改歲舊病未輟新病轉增顛真草堂集 卷二 九

支離委頓之形日甚一日卽欲具疏再請以時方內計臣自揣極陋至愚惟當伏俟汰斥不敢遽以危懼之情仰瀆 天聽不意自陳疏上更微 溫綸非惟曲貸前誓抑且敦趨 新命臣感激流涕五內怔營仰惟 高厚之難酬豈復髮膚之敢愛無奈臣命數奇蹇疾疢淹纏醫療多方漫無一效脾胃益弱肢體益虛兩足痠麻艱於步履方今庭除之近時懼顛危拜起之勞動須扶掖臣以始衰之年嬰疾若此卽使神醫

可以起痼靈藥可以回枯亦恐元氣旣傷非刀圭之可續病根旣固非歲月所能除殘喘苟延斯已幸矣又安能跋涉數千里之脩途拜 闕下而供其職哉屢遭 嚴召旣孤 簡命之恩久冒清銜益闕服官之義臣夙宵戰怖無地自容輒敢再瀝危衷仰祈 聖鑒伏望 皇上察臣情非假托 允臣在籍調理倘幸不遽成痼廢實荷 生成卽不然槁項黃馘於岩穴之中臣耿耿寸誠亦願與田更野叟歌詠 如天祝

顛真草堂集 卷二 十

聖壽於萬萬年矣臣無任激切懇祈待 命之至爲此具本專差義男顧科齋捧謹具 奏

聞伏候 勅旨

擬東征安攘之策疏 閣試

臣聞自古帝王之師一出則澤內洽而威遐聞揆厥所繇未有不審於定計專於用人者也計不審則羣議得以搖之首事者莫得自堅而謀怵于異同用不專則衆人得以撓之主事者莫能自必而柄移于參貳故舍不可求之岐路而